



Stine Egede
Inatsisartunut ilaasortaq, Inuit Ataqtigiit

§ 37 naapertorlugu apeqqutip nr. 213/2020-p akineqarnera - Qassiarsummi meeqqat atuarfiat pillugu

08-01-2020
Suliap nr. 2020 - 27288
Allagaat nr. 15694817

Asasara Stine Egede

Postbos 1029
3900 Nuuk
Oqarasuaat: +299 34 50 00
Email: ikin@nаноq.gl
www.nanoq.gl

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

Apeqqut 1: *Qassiarsummi atuarfissamut aningaassaliissutit Kommune Kujalliap sanaartornissamini naatsorsuutigisassai qassiuppat ?*

Akissut: Suliariniagaq aallaqqaammut atuartut angerlarsimaffiannik sanaartornermut taamaallaat tunngagaluarpog, 2015-imili pitaassutsimik nalunaarsuisoqarmat atuarfiup nutaap ilanngullugu sananeqarnissaa kaammattuutigineqarpoq. Taamani tamanna kommunimut paaseqatigiissutigineqarpoq, ilanngullugulu isumaqatigiissutigineqarpoq atuartut angerlarsimaffiat kiisalu atuarfik ataatsimoortillugit sananeqassasut. Tamatuma kingorna pilersaarusionerq aallartippoq, tassanilu kommune, atuarfiup aqutsisui sulisuilu akuutinneqarlutik.

Suliniummumut siunnersuut sanaartorfissallu inassisimanera 2017-imili kommunip teknikikkut ingerlatsivianit, atuarfiup aqutsisunit sulisuiniillu saqqummiunneqarpoq, oqaaseqaatillu taakkunangaaneersut suliniummumut aamma ilanngunneqarput. Tamatuma kingorna sanaartugassaq attuumassuteqartunit akuerineqarpoq.

2018-imut Aningaasanut Inatsimmi aningaassaliissutit atualertussanut atuarfeqarnermullu tunngasut konto pingaarnermi 84.40.10-mi Kommunit atuarfiini ittut Namminersorlutik Oqartussaniit kommuninut nuunneqarput. Qassiarsummi atuarfiup/atuartut angerlarsimaffiata sanaartornissaannut tunngatillugu sanaartornermut pilersaarutaasut akuerisat 2017-imeersut aallaavigalugit Naalakkersuisunit naammassineqartussaagaluarpoq. Suliniutip aningaasalersornissaa ukiut siuliini kontumi pingaarnermi aningaasat atorneqanngitsoortut atorlugit atortussanngortinneqartussaagaluarpoq.

Isumaqatigiissut 2018-imeersoq naapertorlugu sanaartugassap pingaarnersaa pilersaarusionerqarsimavoq, kiisalu kommunimi pisariaqarnera malillugu oqartussanit suliarineqarsimalluni, soorlu nunaminertamik atugassanngortitsivigineqarsimalluni. 2020-p aallartinnerani suliniutissaq suliariumannittussarsionerqarpoq, tamannalu kontumi pingaarnermi aningaasat atorneqanngitsoortut aqutugalugit katillugit 16,7 mio. kr.-nik atortussanngortitsinissap pisariaqartinneranik kinguneqartumik. Tamanna 29. april 2020-

imi Aningaasaqarnermut Akileraartarnermullu Ataatsimiititaliamit akuerineqarpoq. Tamatuma kingorna sanaartortussa q akikinnerpaamik neqeroortoq isumaqatigiissusiorfigineqarpoq, sanaartornerlu suliariumannittussarsiornermi piffissaliussaasoq eqqorlugu aallartinneqarpoq kiisalu kommunimiit sanaartornermut akuersisoqarluni.

Apeqqu 2: *Kommune Kujallip naatsorsuutigissavaa atuarfiup skolehjimmellu tamakkiisumik aningaasaliissutaasimasunit, tassalu 40-50 mio sinnerlugit illuartinneqarnikuusut Namminersornerusunit akilerneqassasut ?*

Akissut: Apeqqu 1-imut aamma apeqqu 3-mut akissutigineqartut takukkit.

Apeqqu 3: *Qassiarsummi atuarfik skolehjimmellu qaqugu atulersinnaanissaat Naalackersuisut oqaatigisinnaavaat ?*

Akissut: Qassiarsummi meeqqat atuarfiannik atuartullu angerlarsimaffiannik sanaartorneq pilersaarutit malillugit 2020-mi juunimi aallartinneqarpoq. Tamatuma kingorna pilersaarutaasimavoq meeqqat atuarfiat atuartullu angerlarsimaffiat 2021-mi atulernissaminnut piareeqqassasut. Ullormi 30. juni suliniutigineqartup inissisimaffissaata Kommunalbestyrelsimit oqallisigineqarnissaa tikillugu meeqqat atuarfissaanut atuartullu angerlarsimaffissaanut toqqavissap assanneqarnissaa piaarnerpaamik unitsinneqarnissaa pillugu Kommune Kujalleq qinnuiginnissimavoq. Taamaaliortoqarsimavoq naak Kommune Kujalleq ullormi 15. juni suliniutigineqartup inissisimaffissaani kommunimit akuerineqareersumi ingerlaannarnissaa pillugu nalunaaruteqareeraluartoq. Ullormi 3. juli Namminersorlutik Oqartussat Kommune Kujallermit sukumiinerusumik ilisimatinneqarnissartik tikillugu sulineq unitseqqillugu suliarinnittussamat Namminersorlutik Oqartussat qinnuiginnippat. Taamaattoqarmallu meeqqat atuarfiata atuartullu angerlarsimaffiata atulivinnissaat suli ulluligaanngitsumut kinguartinneqarput.

Inussiarnersumik inuulluaqqusillunga

Katti Frederiksen